



Randi Vestergaard Evaldsen
Demokraatit sinnerlugit Inatsisartunut ilaasortaq

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

§ 37 naapertorlugu apeqqummut nr. 217 2018-imeersumut akissuteqaat

Inssiisarfimmik matoqqasumik siunissami peqqissutsikkut sullissinissamut tunngatillugu suleqatigiinnissaq pillugu apeqquteqaravit qujaneg.

11-09-2018
Suliap nr. 2018 - 17874
Allagaatit nr. 8659729

Postboks 1160
Oqarasuaat: 34 50 00
Fax: 34 55 05
3900 Nuuk
Email: pin@nanoq.gl
www.naalakkersuisut.gl

- 1. SANA-p Nuummilu paarnaarussiviup matoqqasup suleqatigiinnerat qanoq ikkumaartoq Naalakkersuisut qanoq takorloorpaat?**

Akissuteqaat:

Peqqissutsimut Ilimatusarnermullu Naalakkersuisoqarfiup inssiisarfimmik matoqqasumut tunngatillugu sinaakkutaasussat pillugit suleqatigiinnissamik soqutigisaqartut ingerlaavartumik attaveqarfigisarpai. Ataqtigiissaarinnermut ataatsimiititaliaq pilersinneqarpoq, tassani peqataasuupput Peqqissutsimut Ilimatusarnermullu Naalakkersuisoqarfik, Isumaginninnermut Inatsisinillu Atuutsitsinnermut Naalakkersuisoqarfik, Kommuneqarfik Sermersooq kiisalu Kalaallit Nunaanni Pinerluttunik Isumaginnittoqarfik aamma Danmarkimi Pinerluttunik Isumaginnittoqarfimmik Pisortaqarfik.

Tamatuma saniatigut naalakkersuisoqarfiup Pinerluttunik Isumaginnittoqarfik ataatsimeeqatigisarpaa, tassani inssiisarfimmi matoqqasumi peqqissutsikkut sullissinnermut sinaakkutaasussat, tassunga ilanngullugit isumannaallisaanermut isumalluutinillu pisariaqartitanut tunngasut, eqqartorneqartarput. Taamatut eqqartuinerit ingerlaavartumik pisarput, taamaattumik suleqatigiinneq massakkut sukumiinerusumik allaatigineqarsinnaanngilaq.

Qanittumi inssiisarfimmi matoqqasumi nutaami ammartussami takornariartinneqarama Pinerluttunik Isumaginnittoqarfiup inssiisarfimmik matoqqasumut peqqissutsikkut suliaqartunik (tarnip nappaataanut nakorsamik, tarnip pissusiinik ilisimasalinnik peqqissaasumillu) atorfinitsitsinissamik pilersaarutaanik ilisimatinneqarpunga.

- 2. SANA-mi Sillimaniarnikkut qanoq aaqqiisoqartassamaarpa, inssiisarfimmi paarnaarussat arlaat SANA-mi katsorsarneqartussanngoraangat? Timikkut tarnikkullu katsorsarneqarnissaq pillugu unittoqaraangat sillimniarnikkut qanoq aaqqiisarnissap allaaserineqarnissaa kissaatigaara kiisalu kissaatigaara**

qanoq akeqartarnissaata tagginneqarnissaa taamatullu kina akiliisassanersoq.

Akissuteqaat:

Pinerluttunik isumaginnittoqarfimmik oqaloqateqarnermi ilaatigut isumannaallisaanermut tunngasut, inissiisarfimmiittussat eqqartuussap napparsimmavimmi katsorsartinneqarnerani qulaajarneqartussat isumaqatigiissutigineqartussallu eqqartorneqartarput. Innutaasut peqqinnissaqarfimmut attaveqaraangata Kalaallit Nunaanni Peqqinnissaqarfiup ullumikkut innuttaasunik katsorsaaneq taamaallaat akisussaaffigisarpaa. Taamaattumik isumannaallisaanermut piunasaqaatit qaffasinnerusut siullertut pingaarnertullu Pinerluttunik Isumaginnittoqarfiup Politiillu akornanni isumagineqartussaavoq. Peqqissutsimut Ilisimatusarnermullu Naalakkersuisoqarfiup aamma akiliisussaataitanermut tunngatillugu Danmarkimi Inatsisinik Atuutsitsinermit Ministereqarfik oqaloqatigisarpaa aaqiissuteqartoqarnissaalu sulissutigalugu, taamaalilluni Nuummi inissiisarfiup nutaap ammannginnerani apeqqut qulaajarneqarniassamat. Taamaattumik massakkut apeqqummut allamik paasissutissiisoqarsinnaanngilaq.

3. Imatut pisoqartarsinnaassanerluni soorlu paarnaarussat uninngasunik allanik ineqateqartarsinnaassallutik aamma taamatut pisoqartassappat qanoq aaqiisoqartarnissaa takorloorneqarpa?

Akissuteqaat:

Apeqqummut 1-imut aamma 2-mut akissuteqaatit innersuussutigineqarput.

4. Nuummi inissiisarfimmik matoqqasumik nutaamik ammartoqarnissaa pissutigalugu tarnip pissusaanut immikkut ilisimasalinnik kiisalu tarnip nappaataanut nakorsanik amerlanerusunik Peqqinnissaqarfimmi atorfinitsitsisoqarnissaa Naalakkersuisut eqqarsaatiginerlugu?

Akissuteqaat:

Inissiisarfik matoqqasooq pissutigalugu DIN-mi sulisut amerlisinneqarnissaat massakkut pilersaarutigineqanngilaq. Apeqqummut 1-imut aamma 2-mut akissuteqaatit innersuussutigineqarput.

5. Kiap pingaarneriussallugu akisussaaffigissavaa inissiisarfimmi matoqqasumi paarnaarussap imaluunniit meeqqap kinguaassiutitigut atornerlunneqarsimasup sukkanerpaamik siulliulluni katsorsarneqarnissaa? Periuserineqassanerluni utaqqisarnissaaq siulliit takkuttut siulliunneqartarlutik imaluunniit suliamiit suliamut aalajangiisoqartassamaarpa?

Akissuteqaat:

Sulisut peqqissutsikkut sullissisut akuerisaasut pisariaqartitsisunik ikiuinissamut inatsisitigut pisussaaffeqarput. Taamaattumik napparsimasut sorliit qaqugukkulluunniit isumalluutit atorneqarsinnaasut atorlugit nukinginnartumik katsorsarneqarnissamik pisariaqartitsinerunersut aallaavigalugu napparsimasunik pingaarnersiuneq nakorsap pisuni ataasiakkaani naliliineranik tunngaveqartuaannassaaq.

6. Suliamut tunngasunik allanik soqutiginaatilinnik Naalackersuisut paasissutissiisinnaanerlutik?

Akissuteqaat:

Naalackersuisut ilisimatitsissutigisinnaavaat inatsisinut tunngatillugu Inatsisunik atuutsitsinermut suliasaqarfimmi periusissatut suliniutissatullu pilersaarummi nutaamik tulleriarisoqarnikummat. Tulleriarinermi nutaami inissiisarfimmiittussatut eqqartuussap peqqissutsikkut sullissinissamut tunngatillugu akissussaaffiit agguataarneri pingaarnertut inissisimavoq.

Tulleriarineq Naalackersuisut nittartagaanniippoq¹.

Inuussiarnersumik inuulluaqqusillunga


Doris J. Jensen

¹ https://naalackersuisut.gl/kl-GL/Naalackersuisut/Naalackersuisoqarfiit/Sociale-Anliggender-og-Justitsvaesen/Justitsvaesen/Strategi_og_indsatsplan_paa_justitsomraadet